



## Publicaziuns officialas dils 26-04-2019

---

### Radunonza da vischnaunca

La proxima radunonza da vischnaunca ha liug mesjamna, ils 1 da matg 2019 allas 20.00 uras a Rabius.

#### ***Gliesta da tractandas***

1. Avertura e beinvegna
2. Elecziun da 2 dumbravuschs
3. Protocol dalla davosa radunonza communal dils 14-12-2018
4. Tractaziun e concessiun dil credit brut da 250'000 francs per la planisaziun dil project Lag Salischinas
5. Tractaziun ed approvaziun dil project canalisaziun e serenera Pardomat Dado e concessiun dil credit brut da 145'000 francs
6. Tractaziun ed approvaziun dil project sanaziun mir santeri Sumvitg e concessiun dil credit brut da 960'000 francs
7. Tractaziun ed approvaziun dalla revisiun parziala dil plan general d'avertura Rabius/Marias
8. Tractaziun ed approvaziun dalla revisiun parziala dil plan general d'avertura Laus
9. Orientaziuns
10. Varia

Sumvitg, 26-04-2019

*Suprastonza communal*

### Tgauns en vischnaunca

Il davos temps ei il diember dallas reclamaziuns pervia dallas emissiuns da tgauns puspei carschius. Tier quellas emissiuns s'audan: excrements che schaijan dapertut entuorn, sacs da robidogs cun excrements che vegnan tratgs giun plaun, tgauns che mordan, tgauns che tementan populaziun e hosps, disturbis da notg pervia digl uorlem e tgauns che vagabundeschan libramein sur pli liung temps e senza controlla per la vischnaunca entuorn. La suprastonza communal supplichescha instantamein tut ils possessurs da tgauns da tener quels aschia ch'ei muntan negina mulesta per l'ulteriura populaziun e da far diever dils robidogs tscheintai si. Vischinas e vischins, hosps e persunans che van a spass vegnan a saver bien grau per suenter.

Nus supplichein alla responsabladad dils possessurs da tgauns e sperein per lur capientscha.

Sumvitg, 26-04-2019

*Departament digl ambient*

## **Uniun Archiv cultural Sumvitg – invitaziun alla radunonza generala**

L'uniun Archiv cultural Sumvitg envida commembras e commembers e tut tgi che ha interess alla radunonza generala che ha liug sonda, ils **27 d'avrel 2019** allas 15.00 en casa da scola a Surrein.

Tractandas:

1. Beinvegni
2. Elecziun da dus dumbravuschs
3. Approbaziun dil protocol dalla radunonza dils 28-4-2018
4. Approbaziun dil rapport annual
5. Approbaziun dil rendaquen e dil rapport dils revisurs
6. Fixaziun dalla contribuziun annuala
7. Elecziun dalla suprastonza: president, actuar, cassier, assessurs
8. Elecziun dils revisurs da quen
9. Program da lavur
10. Orientaziuns
11. Varia

Naven dallas 14.00 e sunter la radunonza ei igl archiv aviarts per tuts interessai.

All'entschatta dalla radunonza presenta ils president da Sumvitg Turissem, Andy Monn la versiun digitala dils numns locals da Sumvitg. Alla fin dalla radunonza raquenta sora Gelia Degonda dalla claustra dad Ingenbohl ed oriunda da Cumpadials sur da sia veta en claustra e sias experientschas sco artista. Suenter la radunonza ein tuts envidai ad in pign apero.

*Cordialmein envida la suprastonza*

## **Uniun Lag Salischinas**

### **Radunonza generala**

Ei legra la suprastonza dall'Uniun Lag Salischinas d'envidar alla radunonza generala 2019. La radunonza ha liug gievgia, ils 9 da matg 2019 allas 20.00 ell'ustria Greina a Rabius. A caschun dalla radunonza vegn Andreas Bärtsch dil biro Quant SA a presentar ils resultats davart la studia da potenzial.

Tractandas

1. Avertura e beinvegni
2. Elecziun da dumbravuschs
3. Approbaziun dil protocol dalla radunonza generala dils 27-4-2018 (Protocol ei publicaus sin la d'internet [www.lagsalischinas.ch](http://www.lagsalischinas.ch))
4. Rapport digl onn e presentaziun da Quant SA
5. Quen annual
6. Rapport dils revisurs
7. Discarga dalla suprastonza
8. Elecziuns
  - a. president
  - b. suprastonza
  - c. revisurs
9. Contribuziuns da commembradi
10. Varia

Nus sperein sin stedia participaziun e salidein cordialmein. *La suprastonza dall'Uniun Lag Salischinas*

## **Uniun da dunnas Sumvitg/Cumpadials**

### **Gentar da senioras e seniors 60+**

Has ti plascher da separticipar a nies usitau gentar da seniors che ha liug: venderdis, ils 3 da matg 2019 allas 11.30 ell'«Ustria dalla staziun» Lisa Duff pren bugen encunter ti'annunzia entochen gliendisdis, ils 29 d'avrel 2019, tel. 081 943 33 13. Nus selegrein da passentar enzacontas uras en buna cumpignia. *Uniun da dunnas Sumvitg/Cumpadials*

## **Pelegrinadi dalla pleiv tier fra Clau da Flia**

### **Sonda, ils 25 da matg 2019**

Nies usitau pelegrinadi dalla pleiv meina nus uonn tier fra Clau da Flia el cantun Sursilvania.

Program:

- 7.00 partenza naven da Surrein (plaz-baselgia)
- 7.05 partenza naven da Rabiun (parcadi Greina)
- 7.10 partenza naven da Cumpadials (pensiu Degonda)
- 7.15 partenza naven da Sumvitg (plaz Lombris)
- 11.00 s. messa cun sur Saji ella «Grabkapelle» a Sachseln
- silsunter gentar communabel a Sachseln
- cuntinuaziun dil viadi tochen Flüeli Ranft (cun ina guida)
- retuorn a casa

Ils cuosts da viadi vegnan reparti sils participonts. Nus selegrein sin tia/Vossa annunzia tochen ils 30 d'avrel 2019.

– Rabiun: Roland Maissen, tel. 081 943 12 82, 077 432 48 68

– Surrein: Doris Janka, tel. 079 515 04 92

– Sumvitg: Alice Cajacob, tel. 081 936 32 19, 078 866 74 68

Cordialmein envidan sur Saji ed il cussegl pastoral dalla pleiv Sumvitg

## **Cuors Rollatur-Fit en Casa s. Martin, Trun**

### **Gievgia, ils 2 da matg allas 14.00 en cafetaria**

Il rollatur ei dapli ch'in mied d'agid! Il sempel accumpignader da carstgauns pli vegls sustegn buca mo da dumignar meglier il mintgadi e da mantener l'indipendenza, mobein sa el era vegnir applicaus sapientivamein sco utensil da trenament e da motivatur per semuentar. Enteifer quei suentermiezdi da Rollatur-Fit vegn il diever dil rollatur intermediaus a moda diversa, creativa e divertenta. Aschia sa il beinstar corporal e l'indipendenza da nossas senioras e nos seniors vegnir mantenida e migliurada. Naturalmein ein era ils confamiliars beinvegna. Cordialmein envida la Casa s. Martin e Rosita Valaulta, experta da sport per attempai.

## **Club da troccas Pigniu**

Avon che nies turnier da troccas per premis entscheiva, serimnein nus sonda, ils **20 d'avrel 2019** allas 20.00 ell'ustria «Alpina» tier la usitada sera da troccas meinsila. A tuts in cordial beinvegna. *En num dil club Zeno*